

de indemnización por riscos profesionais (artigo 16, letra a) do TRLCAP) e declaración relativa á cifra de negocios global e das obras, subministracións, servizos ou traballos realizados pola empresa no curso dos tres últimos exercicios (artigo 16, letra c) do TRLCAP).

-A solvencia técnica ou profesional acreditarase mediante unha declaración do material, instalacións e equipo técnico do que disporá o empresario para a realización do contrato (artigo 19, letra b) do TRLCAP) e unha relación dos principais servizos ou traballos realizados nos tres últimos anos que inclúa importe, datas e beneficiarios públicos ou privados destes (artigo 19, letra e) do TRLCAP).

#### 6. Presentación das ofertas.

a) Data límite de presentación: o día 29 de decembro de 2004, ás 14.00 horas.

b) Documentación que hai que presentar: a establecida no prego de cláusulas administrativas particulares. As proposicións axustaranse estritamente ao modelo que se inclúe no citado prego.

c) Lugar de presentación: no rexistro xeral da empresa pública de Obras e Servizos Hidráulicos nos días e horas hábiles de oficina (de luns a venres e das 9.00 ás 14.00 horas). Tamén por correo, segundo o disposto no artigo 80.4º do regulamento xeral da Lei de contratos das administracións públicas; neste caso, o licitador deberá anunciarlle ao órgano de contratación, no mesmo día da imposición na oficina de correos, mediante telegrama ou fax, a remisión da documentación para concorrer ao concurso, así como xustificar a data de imposición do envío.

d) Prazo durante o cal o licitador estará obrigado a manter a súa oferta: tres (3) meses.

e) Admisión de variantes: non se admiten.

#### 7. Apertura das ofertas.

a) Entidade: empresa pública de Obras e Servizos Hidráulicos.

b) Enderezo: rúa Doutor Maceira nº 18.

c) Localidade: Santiago de Compostela (A Coruña).

d) Data: o acto público de apertura realizarase o día 28 de xaneiro de 2005.

e) Hora: 9.30 horas.

#### 8. Outras informacións.

-Modalidade contractual: concesión.

-A tarifa máxima de explotación e a súa revisión, así como o caudal de deseño anual das instalacións figuran nos correspondentes cadros de características do contrato.

-Garantía definitiva: catro por cento (4%) dos ingresos previstos durante o primeiro ano de explotación, para cada un dos contratos indicados no punto 2 anterior.

-Apertura do sobre A: terá lugar en acto previo a comprobación da documentación xeral segundo se especifica no prego de cláusulas administrativas particulares.

9. Gastos de anuncios: serán por conta do adxudicatario.

Santiago de Compostela, 13 de decembro de 2004.

Emilio García Gallego  
Presidente da empresa Pública de Obras  
e Servizos Hidráulicos

### ENTE PÚBLICO PORTOS DE GALICIA

*Acordo do 2 de decembro de 2004, da Zona Centro do ente público Portos de Galicia, polo que se anuncia a apertura dunha convocatoria pública para a presentación de solicitudes de autorizacións de atracada para embarcacións deportivas nas instalacións náutico-deportivas do porto de Ortigueira.*

Atopándose vacantes prazas de atracada para embarcacións deportivas nas instalacións náutico-deportivas do porto de Ortigueira, anúnciase a apertura dunha convocatoria pública para a presentación de solicitudes de autorizacións de atracada nas ditas prazas, polo período necesario para que se cubran todas as prazas ou Portos de Galicia decida pechalo por razóns de interese portuario, que se rexerá polo prego de bases e de condicións aprobados para os efectos, que estarán á disposición dos interesados nas oficinas da Zona Centro de Portos de Galicia, sitas na avenida Alférez Provisional, 1, 1º, 15006 A Coruña, nas oficinas de Portos de Galicia no porto de Cariño e na páxina web de Portos de Galicia: [www.portosdegalicia.com](http://www.portosdegalicia.com).

O prazo para a presentación de solicitudes comezará o día 27 de decembro de 2004.

Ábrese, así mesmo, un prazo de vinte (20) días hábiles, contados a partir do seguinte ao da publicación deste anuncio no *Diario Oficial de Galicia*, para que as persoas e entidades interesadas poidan presentar por escrito nas oficinas mencionadas anteriormente as alegacións que consideren oportunas relativas a esta convocatoria.

A Coruña, 2 de decembro de 2004.

Manuel García Blanco  
Enxeñeiro xefe da Zona Centro de Portos de Galicia

*Resolución do 13 de xullo de 2004 pola que se aproba o Plan de utilización dos espazos portuarios do porto de Meloxo (Pontevedra).*

O ente público Portos de Galicia, en cumprimento do artigo 96 da Lei 48/2003, do 26 de novembro, de réxime económico e prestación de servizos nos portos de interese xeral, e do artigo 19.2º da Lei

27/1992, do 24 de novembro, de portos do Estado e da mariña mercante, modificada pola Lei 62/1997, do 26 de decembro, redactou o Plan de utilización dos espazos portuarios do porto de Meloxo en setembro de 2003.

Segundo o previsto na lexislación vixente, o citado plan foi tramitado polo ente público Portos de Galicia. Como resultado da tramitación do expediente, o Plan de utilización do porto de Meloxo foi modificado en marzo de 2004.

En reunión do Consello de Administración de Portos de Galicia, do día 1 de abril de 2004, e en cumprimento do disposto no artigo 13 e) do Decreto 227/1995, do 20 de xullo, polo que se aproba o Regulamento do ente público, modificado polo Decreto 83/2002, do 28 de febreiro, e co artigo 96 da Lei 48/2003, de réxime económico e de prestación de servizos nos portos de interese xeral, acordouse darlle conformidade ao Plan de utilización dos espazos portuarios do porto de Meloxo, así como elevalo e propolo para a súa aprobación.

Tendo en conta a consideración efectuada polo Servizo de Urbanismo e Inspección Territorial da Consellería de Política Territorial, Obras Públicas e Vivenda efectuada no informe recibido en data 7 de xuño de 2004, en data posterior á da celebración do mencionado Consello de Administración, no sentido da necesidade de cambiar a denominación da zona náutico-recreativa pola de náutico-deportiva, modificación que se efectuou no plan de utilización aprobado, dando como resultado unha nova e definitiva redacción del con data de xuño de 2004.

Tendo en conta que o cambio indicado no informe de urbanismo supón unha simple corrección de orde nominal e que non representa ningunha alteración dos usos previstos no plan de utilización que o Consello de Administración de Portos de Galicia propuxo para a súa aprobación.

Visto o expediente e o informe proposta do técnico da Área de Explotación e Planificación de Portos de Galicia, así como o acordo do Consello de Administración do ente público dándolle a conformidade ao Plan de utilización dos espazos portuarios do porto de Meloxo e acordando elevalo e propoñelo para a súa aprobación.

O presidente do Consello de Administración do ente público Portos de Galicia, por delegación do conselleiro de Política Territorial, Obras Públicas e Vivenda, conferida por Orde do 21 de novembro de 2002,

**RESOLVE:**

Aprobar o Plan de utilización dos espazos portuarios do porto de Meloxo (Pontevedra), redactado en xuño de 2004 pola enxeñeira de camiños, canles e portos Guiomar Cabezas Martínez e pola enxeñeira directora Ana Isabel Calzadilla Bouzón.

Santiago de Compostela, 13 de xullo de 2004.

Carlos Negreira Souto  
Presidente do ente público Portos de Galicia

**INSTITUTO GALEGO DA VIVENDA  
E SOLO**

*Cédula do 16 de novembro de 2004, da Área Provincial de Pontevedra, pola que se lle notifica a Manuel Rodríguez Boubeta, o requirimento de pagamento acordado no expediente de desafuzamento administrativo P-012/03.*

De conformidade cos artigos 59 e 61 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, despois de intentada a notificación persoal no último domicilio coñecido, emprázase o interesado que se sinala no anexo para ser notificado por comparecencia na que se lle dará coñecemento do contido íntegro do acto que se notifica.

A comparecencia deberá efectuarse ante o órgano de tramitación, Sección de Inspección e Sancións do Instituto Galego da Vivenda e Solo, situado na rúa Alcalde Hevia, nº 7, 36071 Pontevedra, nun prazo de dez días contados desde o seguinte ao da publicación desta cédula.

Transcorrido o dito prazo sen efectuarse a comparecencia, a notificación entenderase producida desde o día seguinte ao do vencemento do prazo sinalado para comparecer.

Pontevedra, 16 de novembro de 2004.

Andrés Iglesias López  
Xefe da Área Provincial de Pontevedra

**ANEXO**

Expediente: PO-832 (expte. desaf.: P-012/03).  
Cta.: 67.

Nome: Manuel Rodríguez Boubeta.  
Enderezo: avda. de Castelao, nº 28, 3º A, en Vigo, Pontevedra.  
Impago débeda: 317,52 €.

**b) DA ADMINISTRACIÓN  
LOCAL**

**CONCELLO DA CORUÑA**

*Anuncio (MPP-2/2004).*

O Pleno do Concello, en sesión que tivo lugar o día 2 de novembro de 2004, adoptou, entre outros, o seguinte acordo:

Primeiro.-Desestimar a alegación formulada pola *Asociación de Veciños Uxío Carré de Eirís*, representada por Manuel Vilaboy Ramil.

Segundo.-Estimar as alegacións formuladas por Manuel Iglesias Bermúdez e outros, Esther López Pérez e Antonio Viqueira Pena e Pilar Sánchez Bestilleiro.

Terceiro.-Aprobar definitivamente o documento refundido da modificación puntual ao sector de solo